

Tuhaqtidjutikhaq

Nunavunmiun nunallaat ikayuqtauniaqtut haffumanga kanatami Gaasiliitigut Taksianin Manik tuyuqtauyuq

Hivuliq malguk iliugaqtauyuk tuyuqtauyuk ikayuutighaq nunamingni aulapkaidjutighanun hivuliuyunik

Niqiliqivik 21, 2017 ... Iqalungnun, Nunavunmi ...Igluqpinikkut Kanata

Nutaaq uvalu nutanguqhimayuq-ublumimun nunallaat aulapkainikkut ikayuutauyuq atadjutighaat inuit havaaghanun uvalu tunihiyuq piyaaqniqmun haffumunga nakuutqiamik nunallaat kivgaqtuqniqmik, aangnaghobluni nutaanun nanminiqaqtunun uvalu piliugutaubluni maniliuqnikkut angiklivalialuni.

Uvani Taaqhivalirviani, Kavamatkut Kanatami tuyuqtut hivuliqmik malguknik ukiumi \$7.8miliataalamik kanatami Gaasiliitigut Taksianin Manikmik (GTF) iliugaqtauyuq Nunavunmun. Attautimun, Aviktughimayut tuniyauniaqtut avatqumayumik \$15.7miliataalamik uvani ukiumi haffumuuna maniktigut. Manik, kitu aulayuq haffumuuna aviktuniitigut kavamatkut, tadjia piinagialaqiyuq ikayuutighaq nunallaanun igluqpinikkut havaaghanun.

Tadja, kanatap Gasiliitigut Taksianin Manik ikayuutauyuq 19nun igluqpinikkut havaaghanun tamainun 15 nunallaat Nunavunmi.

Nunavunmiut tugaaqhimayut haffumunga GTFmik maniliqtuiniq ikayuutauniaqtuq imaqmun, atuqtaungituq imaq uvalu iqakkuunikkut havaanik angikliyuumiqtuq aaniaqtailiniq inuudjagingniq Nunavunmiunun, uvalu munagilugu qayangnaqtuq Ukiuqtaqtumi avatikput. Uktuutgilugu, Haamlat Iglilikmi immiqtatqiat nutaanguqtiqtauniaqtuq haffumuunga \$10.3miliataalatigut havaaghanun, uvalu nutaamik immiqtatqivighaanik aghaluutit havaktauniaqtuq uvani Salliqmi pidjutigiblugu inugiaghialianianun.

Malguk GTF iliugaqtauniaqtuk haffumani ukiumi ilaayut maniknun aulayut hapkungna Nunavunmi ataani uuma [Maniliuqniqmun Kanatami upalungaiyaut](#).

Uqaqtauhimayut

"Haffumuuna kanatami Gasiliitigut Taksianin Manik, nunallaat tamainu Nunavunmi ilaitlu Kanatami tugaaqhimayaqaqtait kanatap maniliqtuiniq igluqpinikkut havaaghanun uqautayunun aghuunikkut ihagiagiyaayut nunamingni inuit uvalu nanminiqaqtunun, ihuaqhiyuumiqlugu immaq immiqtatqiaq havakniqmunlu nutaani ulapkiviknik. Kavamatkut Kanatami quviahuktut tunihidjutainik una naunaiyaqhimayuq, hivituyuq maniliqtuiniq ikayuutighaq piyangani piyaaqniq nakuuyunik havaanik, angikliyuumiqlugu ingutaaqnikkut, angiklivaliablugu maniliuqnikkut piyaghat piniqtunun nunalaanun uvalu nakuuqiaqtumik inuudjutighainik tamainun Kanatamiunun."

*Nanngagiyaayuyuk Amarjeet Sohi,
Minista Aulapkaidjutighanut uvalu Nunalaani*

"Ukiuni, una Gasiliitigut Taksianin Manik tunihiyuq Nunavunmiunun atuguminaqtumik, amigaituni-ukiuni manikmik havaklugit uvalu ihuaqhiyuumiqlugit igluqpinikkut pinahuagutit tahapkua ikayuutaayut maniliuqnikkut angiklivalianikkut uvalu hakugiktut nunallat. Uvagut havaaghavut ikayuutaayut angikliyuumiqlugit anginiit uvalu pidjutayut hapkununga pinahuagutinun uqautigilugu immaq immiqtatqiaq, uvigaqtuq immaq uvalu iqakkut. Quviahuktugut tuniyauhimayut hapkua hivullik malguk iliugaqtauyut piyaaptingni aulahimaaqtumik havaavut piyaaptingni aaniaqnaitumik uvalu inuuhiqqattiaqnaqtumik Nunavunmiun,"

*Nanngariyaayuyuk Joe Savikataaq
Ministaat Nunalingni Kavamatkunillu Pivikhakautikkut*

Naunaitun Kangiqhidjutikhat

- Talvanga ikayuutit hivulliqmik atuqtauliqmata uvani 2005mi, avatqumayuq \$159miliataala tuniyauyuq Nunavunmi nunalaanun haffumuuna kanatami Gaasiliitigut Taksiatigut Manik
- Kanatami Gaasiliitigut Taksiatigut Manik piqaqtuq avatqumayumik \$2biliataala piinagialik tamaat ukiuq, uvalu talvuuna tunihiyuq attautinut nunalaanun tamainun Kanatami piqaqhuni nutqalimaitumik, naunaiyaguminaqtuq uvalu naunaituq hivituyuq manighaq. Manik piinagialaqihimayuq malguknik ukiumi iliugaqtauyuk, uvani Taaqhivalirviani uvalu Hikutirviani.
- Kanataup Kaasiliitigut Taksianin Manikhanut Nunamingni nunalaat piliuqtaaqtuq havaqidjutighanik maniliuqlutik tamaini 18 alakiinik havaaghanik qanugitunik, ilauyut apqutinik uvalu ikaagutinik, inungnun auladjutighaninik, immiqtaghanik immamik uvalu kuvigaqtumik immaqnik igluqpaghainik, uvalu ulapqivighanik igluqpaknik. Mangit atuqtauyaaqtuq qilamik hivuliuyugahni, tutquqlugitlu ilaani atuqtughat, atautimughugitlu aalanun nunalaanun atuqatigiikhutik havaaghanut uvaluuniin atuqlugit maniliqinikkut angiyunik aulapkaidjutighanik maniliqinikkut.
- Kanatam Kavamangit tunihiniaqtun avatqumayumik taima \$180 billion tallamik talvunga napadjutikharnik maniktarvikharnun taima 12nikukiunganik nunalaani atuqtauyukharnik, ihuatqiyayunik napadjutikharnik, nunalaani iglukharnik, ingilradjutikharniklu ikayuutiniaqtun himiqtautikharnik, unalu Kanatam nunagiyaingit tununganiituniklu nunalaangit.

Aadjikiiviyat hunat

Kanatami Gaasiliitigut Taksiatigut Manik Tuniyauyut hapkua Nunavunmi Nunalaat uvani 2017-18milu : https://www.canada.ca/en/office-infrastructure/news/2017/08/backgrounder_nunavutcommunitiestobenefitfromfederalgastaxfundtra.html

Ilauyut Qaritauyaliqidjutikhangit

[Kavamatuqatkut aulapkaitjutighatigut maniliqtuutinginni Nunavunmi](#)

[Kanataup Kaasiliitigut Taksianin Manikhanut](#)

[Maniliurniaqhimayut uvani Kanatami , hapkua Kavamatkut Kantamai \\$180 biliataala uvalu igluqpinikkut upalungaiyautit](#)

[Kavamatkut Nunavunmi-Nunalaat Igluqpinikkut](#)

- 30 -

Uqaqvighat

Kate Monfette

Aulapkaiki Tuhagakhanut
Minista Aulapkaidjutighanut uvalu Nunallaani
613-301-0894
Kate.Monfette@canada.ca

Rosemary Boyd

Atanguyaq, Atugakhanut Maligakhanullu
Nunavut Kavamanga
867-975-5354
RBoyd@gov.nu.ca

Canada



Auladjutighat Kanatami

613-960-9251

Akiitukut: 1-877-250-7154

infc.media-medias.infc@canada.ca

Twitterkut: [@INFC_eng](https://twitter.com/INFC_eng)

Qagitauyakkut: [Auladjutighat Kanatami](#)